



Broj: A- 188-2/24
Sarajevo, 27.03.2024. godine

Na osnovu člana 6. Zakona o Federalnom tužilaštvu FBiH („Službene novine FBiH“; broj: 42/02 i 19/03), člana 70. stav 1., 2., 3. i 6. i člana 87. stav 3. Zakona o javnim nabavkama BiH („Službeni glasnik BiH“, broj: 39/14 i 59/22), Pravilnika o javnim nabavkama roba, usluga i radova u Federalnom tužilaštvu FBiH broj: A-107-1/23 od 28.02.2023. godine i Zapisnika o pregledu i ocjeni ponuda broj: A-188-1/24 od 26.03.2024.godine, donosim:

ODLUKU
o prihvatanju cijene / ponude i izboru najpovoljnijeg ponuđača

I

Prihvata se preporuka Komisije za javne nabavke broj: A-188-1/24 od 26.03.2024.godine i Ponuda broj 24-010-000060 od 22.03.2024.godine, Ponuđača „TAMEK-SON COMPANY“ Sarajevo, ID: 4200704120005, Drinska broj 164, Sarajevo, za ponuđenu jediničnu cijenu: 12,82 KM bez PDV-a (komplet pranje) za period od 12 mjeseci, do iznosa 1.500,00 KM bez PDV-a.

Prihvatanjem ponude/prijedloga cijene i prilaganjem predračuna/računa od strane navedenog ponuđača bit će zaključen direktni sporazum o javnoj nabavci usluga pranja službenih motornih vozila Federalnog tužilaštva FBiH, u skladu sa Planom javnih nabavki Federalnog tužilaštva FBiH za 2024.godinu.

II

Ugovor o predmetnoj javnoj nabavci će se zaključiti na period od 12 mjeseci od dana potpisa ugovora.

III

Nabavka iz tačke I ove Odluke vrši se u skladu sa članom 90. Zakona o javnim nabavkama Bosne i Hercegovine („Službeni glasnik BiH“, broj:39/14 i 59/22) i odedbama Pravilnika o javnim nabavkama roba, usluga i radova u Federalnom tužilaštvu FBiH broj: A-107-1/23 od 28.02.2023. godine, te će se narudžbenica o gore navedenim uslugama dostaviti izabranom Ponuđaču.

IV

Za realizaciju ove odluke zadužuje se glavni federalni tužilac Federalnog tužilaštva FBiH i Računovodstvo Vrhovnog suda FBiH.

V

Ova odluka stupa na snagu danom donošenja i objavit će se na web-strani Federalnog tužilaštva FBiH www.ft-fbih.pravosudje.ba, istovremeno sa upućivanjem ponuđaču koji je učestvovao u postupku javne nabavke, u skladu sa članom 70.stav 6. Zakona o javnim nabavkama.

Obrazloženje

Glavni federalni tužilac donio je Odluku broj: A-188/24 od 22.03.2024.godine o pokretanju postupka javne nabavke usluga pranja službenih motornih vozila Federalnog tužilaštva FBiH.

U skladu sa odredbama Pravilnika o javnim nabavkama roba, usluga i radova u Federalnom tužilaštvu FBiH broj: A-107-1/23 od 28.02.2023. godine, Komisija za javne nabavke je telefonskim i internetnim putem ispitala tržište i subjekte specijalizirane za pružanju ovih vrsta usluga, te uputila Poziv za dostavu ponude i prijedloga cijene na adresu Ponuđača: „TAMEK-SON COMPANY“ Sarajevo i „Autoservisa AN“ Sarajevo.
Ponuđač „Autoservis AN“ Sarajevo nije dostavio ponudu.

Ponuđač „TAMEK-SON COMPANY“ Sarajevo je blagovremeno dostavio svoju Ponudu/predračun broj: 24-010-000060 od 22.03.2024.godine po ukupnoj cijeni u iznosu od 12,82 KM bez PDV-a, za komplet pranje vozila.

U postupku donošenja ove Odluke posebno su cijenjene činjenice da je izabrani Ponuđač dostavio ponudu koja udovoljava zahtjevu i potrebama Federalnog tužilaštva FBiH, kao i to da ukupna ponuđena cijena ne prelazi iznos procijenjene vrijednosti koja je planirana za predmetnu nabavku, a u skladu sa realizacijom iste nabavke u prethodnoj godini..


Imajući u vidu sve navedeno, odlučeno je kao u dispozitivu ove Odluke

Pouka o pravnom lijeku:

Nije propisana mogućnost izjavljivanja žalbe u postupku direktnog sporazuma.

GLAVNI FEDERALNI TUŽILAC

Munib Halilović



Dostaviti:

1. Ponuđaču;
2. Računovodstvo Vrhovnog suda FBiH;
3. Web stranica;
3. U spis.